

崙山中，有操伊蘭語之噶爾喀族人（Galca），或爲其遺種歟。

以上皆爲余第一次所考察湖畔古塚之經過也。第二次之赴羅布淖爾考察也，適值回亂，且準備未充實，不能盡量考察。但亦略有所見，茲略述如次。

當余等於五月初間，由魯戈斯特南抵孔雀河畔也，由余一駝病足，放置於此。即率其餘駝東行，沿一乾河岔，枯桐紅柳，迤邐如帶，時有土阜間之，阻余行程。傍晚駐一鹹灘中，一面派毛拉赴辛吉爾購辦米麵，余等則作古墳之探查。在余等駐地旁有一風蝕土阜，上豎枯胡桐三株，作交叉狀。以余等第一次探查之經驗，凡類此者上必有古人墓室，即攀登察看：上頗平坦作橢圓形，有井穴二，南北對峙，穴口有枯胡桐六株，長丈許，駢比橫陳，二穴相同。余等掘其南穴，深至三尺許，發見木棺一，作長方形，四圍板壁已遺失，僅存底部。塚中土層攪亂殊甚，出木几二，已腐朽倒置其中，又几足四，作屈腿狀，顯係早爲他人盜掘，而留其遺棄物於塚中。故余亦不欲盡取之。八日轉東行，在戈壁上見一地室，屋架猶存，以枯胡桐作標條，覆以蘆葦，塗以泥漿。據土人稱述，在室中曾發現古棺木數具，現已無存。復東行戈壁上，時見以木莊栽立之橢圓形建築，數塚相聯，組合爲羣，據獵戶云，此亦爲死者之居室。其栽立之木莊，長二尺許，一端尖銳，入土不深。因余忙於行路，未加工作，殊可惜耳。

五、L日古塚 當余等於古烽燧亭工作完後，五月十四日復返西行，路遇毛拉於途，並携米麵而歸。慶幸之餘，復談及往西約十餘里土阜上，有一古塚，衣巾外露，乃使導之前往。試作發掘，出小頭骨一，黃髮尙存，作黃金色，審視爲七八歲之妓童，所謂黃髮小兒是也。塚中綢絹衣巾，尙未腐朽，有枕頭一，四方形，頭枕之迹猶存。手帕一，亦爲長方塊，一端具帶，疑爲綴繫於衣巾之用。袖口縫縷，均嶄然如新。一袖口黃絹爲底，綠綢爲邊緣。（圖版二二、二三）雖屬小兒，亦副戴滿身文明，供吾人之鑒賞，與裸體葬者，有文野之別矣。（參考第

二次考查路線圖 L日